

**ACTA DERA MESA DE CONTRACTACION DETH PROCEDIMENT DUBÈRT DERA LICITACION DES ÒBRES DE REFORMA DERA RESIDÈNCIA SANT JOAN DETH BAISH ARAN**

Vielha, 12 d'abriu de 2018

Qu'en tot auer estat aprovat peth Conselh de Govèrn deth Conselh Generau d'Aran de 5 de març de 2018 eth plec de clausules administratives, er expedient de contractacion e era licitacion dera contractacion des òbres de "*Reforma dera Residència Sant Joan de Baish Aran*"

Dat que publicat er acòrd en DOGC num. 7578, de 14 de març de 2018, e en perfil deth contractant dera Corporacion se dauric eth tèrme de vint-e-sies (26) dies naturaus entara presentacion de proposicions.

Dat que finalizat eth tèrme de presentacion de prepauses cossent damb era clausula 8au, cònste coma presentat en Registre d'Entrada d'aguesta Corporacion es següents DUS (2) licitadors:

1. Registre d'Entrada num. 703 de 09/04/2018: *UTE REFORMA RESIDENCIA SANT JOAN DE LES*
2. Registre d'Entrada num. 706 de 10/04/2018: *UTE VORACYS-PYF*, en tot auer-se rebut justificant dera presentacion dera prepausa enes oficines de correus, en temps e forma, eth dia 09/04/2018

Qu'en conseqüència, e de conformitat damb era clausula 13au, se convoquèc e amassèc era Mesa de Contractacion eth dia 12 d'abriu de 2018, às 12.15 ores, as efèctes de procedir ara dubertura e qualificacion dera documentacion administrativa contienguda enes envolòpes «A» des diferents prepauses, damb es següents assistents:

- Era conselheira de Sanitat e Servicis Sociaus, Mgfca. Sra. Anna Díaz Morelló, presidenta
- Era conselheira Mgfca. Sra. Maria Vergés Pérez, vocau
- Eth conselher Mgfca. Sr. José Antonio Bruna Vilanova, vocau
- Era directora del Servici Aranés de Benèster e Salut, Sra. Maria Àngels Borràs Hurtado, vocau
- Eth secretari generau dera Corporacion, Sr. David Montalà i Palau, vocau
- Er interventor de hons dera Corporacion, Sr. Xavier Pascual Santisteve, vocau
- Er arquitec tecnic deth Conselh Generau d'Aran, Sr. Ignacio Landa Busquet, vocau
- Un foncionari dera Corporacion, Sra. Paloma Puche Martín, secretària

Delèguen era sua assistència:

- Eth responsable de territòri dera Corporacion, Xavier Playa Fernández, en arquitec tecnic dera Corporacion, Sr. Ignacio Landa Busquet

Ara seguida eth secretari generau deth Conselh Generau d'Aran amie a tèrme un breu resum deth procediment de licitacion que quede enquiara adjudicacion d'aguest contracte. Explique que cossent damb era legislacion vigenta se procedirà ara dubertura en aquest acte dera envolòpa «A» *Documentacion administratiua* ar efècte de qualificacion d'aguesta e, en cas de trapar-s'i defèctes esmendables, se procedirà a reclamar era sua subsanacion en un tèrme maxim de tres (3) dies obrants a compdar dera notificacion as licitadors. Un còp esmendada, se convocarà de nau era Mesa de Contractacion as efèctes de dubertura dera envolòpa «B» de *Documentacion sus es critèris avalorables mejançant formules* e se harà era corresponenta propòsta d'adjudicacion deth contracte.

Era Mesa de Contractacion procedic ara dubertura e analisi dera envolòpa «A» *Documentacion administratiua* des dus (2) licitadors se i detectèc es següents defèctes enmendables:

1. Registre d'Entrada num. 703 de 09/04/2018: *UTE REFORMA RESIDENCIA SANT JOAN DE LES*
  - Manque era presentacion per part dera empresa *CONSTRUCCIONS PIRINEU 2001 SL* dera documentacion qu'acredite era sua personalitat juridica e era representacion
  
2. Registre d'Entrada num. 706 de 10/04/2018: *UTE VORACYS-PYF*
  - Cau que cadua des empreses qu'intègren era UTE presente era declaracion responsabla d'empreses inscrites en Registre Electrònic d'Empreses Licitadores (RELI) der annèxe 9, degudament signada en totes es huelhes que la conformen
  - Cau que cadua des empreses qu'intègren era UTE signe totes es huelhes que conformen era declaracion de compliment dera legislacion en matèria de proteccion de donades de caractèr personau der annèxe 7

Ara seguida, era mesa *acordèc per unanimitat* des sèt (7) membres presents, concedir un tèrme de tres (3) dies obrants ara *UTE REFORMA RESIDENCIA SANT JOAN DE LES* e ara *UTE VORACYS-PYF* entà qu'esmenden es defèctes trapats ena documentacion presentada e contienguda ena envolòpa «A».

Eth secretari generau deth Conselh Generau d'Aran informe qu'un finalizat eth tèrme autreat, tornarà a amassar-se era Mesa de Contractacion entà analizar era documentacion presentada e préner era decision que correspongue respècte dera admission o non d'aguesti licitadors ena present contractacion.

Entàs dotze ores e trenta cinc minutes se da per acabada aguesta session.

Anna Díaz Morelló  
*Presidenta*

Maria Vergés Pérez  
*Vocau*

José Antonio Bruna Vilanova  
*Vocau*

Maria Àngels Borràs Hurtado  
*Vocau*

David Montalà i Palau  
*Vocau*

Xavier Pascual Santisteve  
*Vocau*

Ignacio Landa Busquet  
*Vocau*

Paloma Puche Martín  
*Secretària*